

箕  
村  
詩  
集

91037  
=2

篁村集卷四

上海陸錫熊耳山撰

古今體詩一百十一首

鄉試月印萬川 得川字

月皎冰壺淨含輝印萬川清光隨處見妙悟此中傳人  
對虛明境形窺色相前應知千里共都是十分圓有本  
皆如是同歸豈不然但能呈法象何必辨天淵

聖學超神表

皇情運物先仰觀兼俯察微契證魚鳶

爲閻邱秀凡壽

謝家羯末總能文，得也江東最軼羣。  
乍可二毛同騎省，依然三耳說參軍。  
行吟才客青門曲，坐掃高齋白練裙。  
戶外麴車諸弟子，幾人寂寞慰揚雲。

茅堂高俯麴塵波，門巷深秋步履過。  
明鏡江湖華髮在，儒冠身世酒杯多。  
閒堦夜警仙人鶴，曲墅晴籠道士鷺。  
知有薦才楊得意，丈夫四十豈蹉跎。

皇姑寺

畏吾村路接平蕪，寺外清波滿浴鳧。  
亂塚梧楸暗疑雨，

荒園蛺蝶繡成圖。提壺試問春深淺，叩馬空傳事有無。  
漸覺吟身入屏幃，西山翠色撲睂鬚。

石景山

地偏河流轉山標，塔影停千村夕陽紫。  
萬里太行青勝蹟，傳瑤璣遺名記石經。  
還思郭都水疏鑿徧郊坰。

潭柘岫雲寺四首

兩崖互引脰，仄徑劣容武人家。  
隱松杉茅屋炊正午，明妝女行汲負擔樵歸。  
塢溪流自東趨一壑，激萬弩尋源稍登陟。  
宛轉呀重戶，刹竿隱深林。  
遙辦法堂鼓寶坊，龍

象巖石塢莓苔古小憩足清涼諸天正花雨

泉喧衆音寂盈縮無夏冬浮觴曲澗集引筧香厨供薊  
邱植汶篁肅肅干竿風槎枒見枯柘子立瑩青銅孽牙  
誰寄生小草含春容東軒夜無夢冷逼嵐光濃同龕有  
彌勒宿火玻璃紅

東上洗心亭凌虛躡飛磴攀衣劃長嘯歷歷響誰應深  
潭俯黝黑濕翠倒圓鏡龍歸雲頭鋪龍去雨腳橫夕陽  
澹欲無半嶺倏已暝禪關清梵起烟外一聲磬  
妙巖何代磚遺蹟閻浮仰六時勤唄誦五體作供養天

人涕交頤苦行畱實相金經秘靈鑰龍虎衛珍藏當年  
出宮闈襲錦內家樣我離文字禪了徹十方障庭虛泉  
自流鳥散花欲放雙眼見佛無出山更回望

姚少師影堂

青史虛誇佐命功精廬遺像尙紗籠南都推刃真難道  
北郭披緇竟不終永日山風飄屋瓦至今瓜蔓痛沙蟲  
女嬃猶解申申詈出處藏春一例同

渡渾河

桑乾新漲乍盈篙小艇中流拍怒濤山摩玉龍穿峽遠

隄收竹箭建瓴高千家避水痕猶在六月防河策最勞  
却指蘆溝臥波影鼉鼉架後自堅牢

戒壇千佛閣

山藏精舍雨樹亞陰崖風杖藜潑叢翠金碧高龍窠  
莊嚴旃檀林丈室須彌同喬柯松栝蔭斷碣遼金確崇闌  
一憑眺影氣青無窮桑乾線流繞塞堞高低峯五雲麗  
宮闕碣石迴朝宗列藩國廣陽使額軍盧龍千秋劇爭  
戰遺跡迷蒿蓬覽古意方戚聞經慮俄空斜暉下諸嶺  
西翼沈烟蹤

寄內子札意猶未盡續得二十八字

七月長安雪欲飛寒燈孤館悵何依閨中刀尺知相憶  
遊子天涯未授衣

贈王曉園戶部

枌社同鄉縣葭苧有數年天涯仍合并世路各騰騫晚  
達雲霄迴華班省署聯國章崇少府月算重緡錢聚米  
軍儲壯飛芻計簿填度支謀不忝會計道能全夕拜供  
綾被晨趨步玉甄羣公爭幹濟之子信才賢甲乙非虛  
耳升沉益邈然放歌陳夙昔高會想周旋新特崔盧並

交期羣紀堅行觴呼揖客撰杖許隨肩零雨參差別晨  
風意緒牽家聲慚入洛遠道獨遊燕適館情稠疊挑燈  
語接連尋坊依杜曲卜宅近城墻榻下通花幔朝回闢  
玳筵裁紅詩綴錦浮白醴成泉西嶺晴雲爽春郊逸興  
偏籃輿穿窸窣筇竹信洄沿石壓盧師頂山低臥佛前  
愛閒頻請沐得趣已超禪捉塵陪清坐攜朋雜醉眠旅  
懷長自失樂事更誰先鹵莽謀生計艱虞拙世緣稻粱  
判白露琴劍逐青氈投跡風塵內因人雨雪邊梁園朝  
授簡岐館夜聞絃寒月迷珂里重闌隔曉烟時時回寶

騎往往降瑤箋聚散泥畱瓜年華絮擘綿橫雕盤朔氣  
急鴈下南天旅館愁方劇倉曹席屢延灤魚銀入饌潞  
酒碧流澗栢葉春朝近脂花令節遷圍爐嫌漏短擁鼻  
喜吟傳落拓空懷刺飛騰看著鞭緇衣且道路華髮儼  
神仙松菊家山遠庭闈夢寐懸客心爭暮景相對話歸  
田

會試賢不家食 得同字

國典旁求切賢關際會同席珍家並獻鼎養食彌豐釋  
褐寧圖飽承筐念匪躬懸貍情舊永鳴鹿禮新隆鄉饌

聖世六字慶昭融  
拋匙白官筵列餅紅昔聞餐不素今見道能充德洽菰  
蘆遠恩沾鴈鷺通泰交欽

御試五月鳴蜩

得清字

五月薰風至鳴蜩始發聲榴邊新靄暮柳外斷霞平涼  
意先秋動吟懷入夏清院深傳更急林密聽難明斷續  
流音遠依微想翼輕喧時山逾寂歇處雨初晴自合調  
如緝從知潔有名

御園添景色物候軫

皇情

爲朱錫田壽

辛巳六月錫田五十初度余方畱京師不獲與  
稱觥會歸里許一詩爲壽率率未果歲旣單矣  
扁舟遠涉斷冰塞路雪意垂垂不勝停雲之思  
輒成長歌一首中間皆推本自述之意而間之  
以兩人聚散契濶之情終之以風詩善頌之義  
流澌及春歸薦椒酒當爲我醕一觴庶幾不忘  
息壤且以知其詞雖拙而情則摯也

我初相識髮及肩荷衣揖客誇翩翩君時三十正年少  
顏色白皙雙瞳圓葭葦托倚蛩附駟日月跳盪風吹綿  
淳于一自作齊贅參佐曲解迴吟鞭當年兒童已抱子  
看君絲鬢何由元我從上書北走燕君亦躬稼南溪田  
風塵依人脚拳跼羨君超絕忘家禪攬揆百歲過強半  
外慕漸少由天全還家乍快脫韁鎖握手只訝增華顛  
君言僂指數閱歷四十九載知尤愆鮮民風樹感莪蓼  
手澤金石淪栝棬衰宗門戶百憂患水火摧剝蠶絲纏  
尺椽詎足支大厦隻手直欲埋瀆泉何人顛倒鬧蛙龜

一物慈愛蒙皇天頭顱只今成老大世事回首隨風烟  
譬如不飲觀醉客側帽屢舞形蹺蹺旁人但可供絕倒  
得喪於我浮雲然生涯安分膝自抱心地離垢肱堪眠  
矛頭浙米世途險作達似子寧非賢高齋楊柳花滿川  
流鶯忽語花枝偏踏泥不辭衝雨屐載酒或命看山船  
自將文度置膝上一籟經比韋家傳孫雛釋氏親抱送  
唇朱眼漆何嫵娟丹砂石髓亦妄耳平地不少家居仙  
好排歡場過三萬會有椿齡紀八千我詩實錄戒誇誕  
爲話宿昔思流年篷窗歲宴風雪裏炙硯細寫瑤華牋



篋詞緩奏豈無意畱侑春酒椒花筵

玉峯阻風四首

凜凜歲云暮我行猶未休雲穿寒日漏風挾斷冰流顛  
倒攤陳帙蒙茸戀敝裘荒村今夜酒心折大刀頭

小別逢殘臘流光惜逝川浮名催我老捷路讓人先薄  
暝空江渡微寒欲雪天遙思小兒女欸欸話歸船

已覺波濤慣終憐道路非天寒還獨往風起送誰歸坐  
闕千帆過真成六鷁飛片雲南下急獨立思依依

少壯行非昔馳驅復在今高堂穿望眼令節感羈心估

客東西路離鴻下上音芙蓉江畔水愁繞暮濤深

除日吳門舟次用東坡臘日遊孤山訪惠勤詩韻

賦呈龍華大兄

歲方晏雪滿湖朔風掃路行人無冰山巖崕高一丈招  
招舟子誰能呼我獨何爲辭妻孥臘日不得相嬉娛千  
搖萬兀來姑蘇十步九折愁縈紆昌亭相遇懷故廬可  
憐道路同羈孤爲斟濁酒勸僮僕如坐丈室餐伊蒲吳  
中華屋羅千夫鐘鳴鼎食晨連晡南山鑿石錮金穴苦  
愛富貴寧良圖

語次適感舊事

我生那復求贏餘覺悟早似知

非遽何時掉尾同魚通此境未遂心先摹

舟中咏冰次東坡聚星堂雪韻卽用其體

枯林短櫂舟如葉寒冰夜凍千江雪風吹淅淅度微響

日射晶晶看奇絕圓渦密作肌粟生細稜去聲曲趨波紋

折飛牀恨無新製好謂北地冰牀走鷺直暎遙天滅晨開鑿

空去聲千槌動晚打砵訇萬篙掣白痕糾結轉凝片綠暈

模糊漸融纈時逢爨媪瞰深孔尚有樵童擲餘屑客途

十日苦畱滯天女五花正飄瞥互寒朔野將無同風景

南園不堪說雙拳呵罷硯生冰一笑吟成筆如鐵

澄江晤金韻言卽送其從劉學使之淮上

殊鄉攜手感年華相送寧知道更賒湖上春愁雙崦樹

淮南秋色小山花幕中飲興朱齡石履底吟情謝永嘉

多少長楊能賦客翩翩誰似筆凌霞時將獻賦

許墅除夕絕句三首

曲院氍毹鬪管絃栢觴曾醉夜深筵秋風自別岐王宅

短夢輕塵又一年

去年餞歲向天涯頻卜鄉書對燭花不道歸來轉飄泊

夜篷翻夢到京華

一江西去鎖嚴關獨夜孤舟宿岸灣強起推篷破蕭瑟  
半林殘雪望陽山

贈張默存同年

剝啄柴門僻相逢倒接羅東方懷糞藪北郭借枯枝鷓  
蟀經三換冰霜又一時流澌未須下畱踐故人期

桃李爭春艷青松獨後雕閒身厭城郭生計雜漁樵曳

履容臺貴

謂同年汪禮部獻之

看雲子舍遙

謂同年戴進士元夔

誰憐老同

譜雙鬢日蕭蕭

蓉江道中懷人絕句二十六首

光祿文章壓輩流瑯琊宗派鳳麟洲朝回日日餐蛾綠

鬢影書聲共一樓

王光祿鳴盛

錢郎瘦比東陽沈地近蓬萊會列仙曾到和林訪遺事

斷碑零落兔兒年

錢侍讀大昕

越水吳山足勝娛六年夢到鯉庭趨郎君只厭承明直

愛向龍湫宴坐無

李編修翊

塲屋真推折臂醫由來鞏悅未堪奇千金敝帚何人享

慚愧親逢一字師

君嘗訂余鄉試制藝示諸生爲舉業者趙御史佑

簫鼓樓船百道開龍荒驚見謫仙才酒酣爲作琉球舞

曾駕長風破浪來

王編修文治

定香居士老詩禪卜宅仍隣古寺前

君居憫忠寺之左

常說夜

遊同謝監柏陰如藻石幢邊

時謝編修墉居頗近王舍人昶

翰林感逝仁傷懷襍被孤燈雨滴階官職可憐今入手

俸錢辛苦但營齋

曹庶常仁虎

道山亭畔相逢日屈指星霜四五年閒却文章好身手

封椿袞袞算緡錢

王戶部曾翼

韋家詩體昔曾聞筆勢尤工五朶雲啄粒官倉似鴻鴈

江南春到倍思君

韋舍人謙恒

碧筵雨前供粟粒銀絲春晚薦琴高故人雞黍山中約

何日扁舟涉暮濤

袁孝廉穀芳

鄭郎昨上蓮華頂濯髮親經玉女盆手摘天星望鄉國

黃河如線走中原

鄭禮部鴻撰

蕭瑟遺經感白頭近聞匹馬向滄洲薩摩陂外千楊柳

應為春醪十日畱

盛孝廉百二

落日空廳早放衙脚靴手板事堪嗟知君尚有流亡愧

鴈戶春來剩幾家

黃明府大齡

歐門衣鉢在髯蘇愧我空成山澤臞欲乞漁村舊詩卷

何時問訊到江湖余與君同出竹均朱先生之門別時許以詩集見寄漁村集名也 蔣庶

常雍植

眾仙同日詠霓裳誰似翩翩白晳郎聯騎曲江歸去晚

少年不數李東陽秦庶常承恩

一別天南望鯉魚長安還憶對門居夜深春樹三條巷

隔院紅燈照讀書項吏部淳

吹竽鼓瑟事難論感遇常懷國士恩流落平津布衣客

只今騎馬傍誰門蘇舍人去疾

孫侯勸作長楊賦臨別牽畱愧未能歲晚滄江欲通問

關河愁望朔雲凝孫宗人夢達

絕塞秋開五石弓董生才氣萬夫雄二殺風雨還西去

立馬高歡避暑宮董上舍椿

天涯適館勸加餐早晚牽絲作宰官知有故人聯夜榻

謂徐君長發 舊山為報竹平安徐孝廉作梅

十載仍依供奉班四門博士老朱顏硬黃手拓陳倉鼓

滿院茶聲白日閒陳助教孝泳

難弟難兄玉不如鞭絲輕裊落花初昨從宣北坊頭過

夾道爭看擲果車劉庶常校之編修權之

便便腰腹識倉曹時方督京食食指關心問老饕只喜吳郎

能醉客謂進士泰來六街燈火對持螯吳舍人娘

山中舊宅依黃海白石青江抱竹扉可惜天涯相送老

故人珍重寄當歸朱孝廉荒星

會共梁王雪夜樽騎驢日日欵朱門白頭更作天南吏

碧水丹山一斷魂歐陽明府飛

陳生麗句玉壺懸孝廉桂森爭比張郎萬斛泉同著麻衣入

京洛浮名潦倒愧盧先君以禮記舉鄉試第四余以詩舉第三故云張刑部敦均

召試江漢朝宗得宗字

二水標南紀歸墟得所宗地形分兩戒天險豁千重漢

廣滄浪曲江源井絡封懷卑謙秉禮潤下德昭恭九派

馳車馬雙流滙璧琮會同春漲合奔走夏濤衝向若東

西面環瀛大小共

聖朝清宴日薄海頌時雍

恭和

聖製自金山放船至焦山用東坡韻

江流東赴何耽耽勢注溟渤浮東南南徐簇擁髻惟兩

海門拱揖峯聯三金山樓觀壓山起如窠綴蜂箔上蠶

卷四

焦山斗拔景尤絕道元挂漏心應慙朝陽半入柏枯逕  
夜浪自湧蛟龍潭江妃擊鼓迓

翠輦進楫風日饒清酣鶴銘抉剔辨跟肘強別世代誠  
迂談黃雲覆鼎閟香閣白足鑿石畱苔龕銀甌試汲深  
澗冷玉版那數山厨甘當年髯蘇妙歌咏攬勝不異貪  
夫貪鴻章逸興

聖音出退避三舍知難堪

玉臚明發指北固更訪海嶽仙人菴

恭和

聖製初登金山元韻

隔岸旋螺到眼青却從登眺會全形雙流欲合江聲壯  
一柱全扶地脈靈影轉盤陀常湧現機乘良止自回停  
宸遊川上情彌浹指點三山人森冥

恭和

聖製題釣魚臺元韻

淮陰遺跡想英雄澤畔漁竿策未窮壇築秦中方拜將  
功成沛里亦歌風解衣畢竟先餘子躡足何曾誤乃翁  
一白

睿篇光覽古雲臺持較有初終

恭和

聖製維揚懷古元韻

淮曲烟光隔幾郵竹西鼓吹引

龍舟虹橋入畫高低影桂楫迎潮下上浮官閣梅香曾  
寄范蜀岡松老倍思歐天開勝地紆

宸賞歸路華燈映水流

贈凌雷州竹軒丈

雁聲墮地天雨霜江風獵獵吹飛檣雷州太守歸故鄉

瘴沙七月辭炎荒珊瑚象貝紛都梁結束不用千金裝  
蕭然琴鶴同一航歸思徑逐南雲翔到家鞠脰登高堂  
渥顏兒齒身康強兼珍潔膳浮三漿喜動鄰里椎牛羊  
鳳雛驥子羅兩行樂事未已今方將青幢乍脫會稽綬  
白華自譜南陔章是時重陽剛一月扁舟橫浦先期發  
初度方宜泛菊樽適歸正拄看山笏逍遙風月青翰轉  
浩蕩烟波白鷗沒已離峽口拔虎髭更揖匡君望雲窟  
不辭風水久相逆笑指江南青一髮十年客夢懷三吳  
萬口春謠畱百粵服官五十古有志投牒翻然謝朝謁



如公進退洵無負治行清風兩超越憶昨一麾辭  
帝京手持符竹趨

王程使君五馬五騏驎叱馭快作東南征鬣帆颯母備  
靈怪八州連絡環東瀛行春露晷夾白鹿花鬘赤脚紛  
來迎燒畚煮壤沃甘雨春澤如飲縹中嬰傳柳事少但  
吟嘯吏曹奉職無笞榜舖糜喜聞熟釜滿酌水但見廉  
泉清廣南分地控甌脫征蠻別部雄千兵峒丁蜒戶競  
糾結蚊巢蝸角紛纏爭六條具有漢法在潢池竊弄匪  
王氓紅旗小隊間道出地中鼓角鳴金鉦衣冠別樣遣

謀刺草木不動聞軍聲鏡歌夜半列千炬導以畫戟飄  
雙旌車門洞開搗大鼓牙籌次第傳鼉更執渠縛醜獻  
幕府穴中鼠子徒縱橫丹青明示生活信歡呼雷沸周  
山棚檠瓠遺種革心面弓衣賓布恒輸誠蠻人懼服廣  
人愛彈壓更藉居專城海恬山安坐無事樊桐遠躡鯨  
波平榕陰到地蔭青蓋佛桑照眼飄紅鞞熊幡臨憩一  
以眺往往棖觸鄉園情官齋况復清似水琴韻香縈令  
公喜聲名波井比汲華日月驍壺同激矢

北闕方嘉黃守賢南人競述吳公美只道攀轅來未暮

寧知負米情何已二千石俸滿上考掉頭竟賦歸來矣  
抽簪未老近所無華髮娛親古誰擬色養榮堪耀井閭  
移忠教本通書史伊余夙昔陪履綦丈人行輩徵交期  
幾年夢寐隔嶺海望而不見心倭遲只今獲侍纔旦暮  
又欲薄宦遊

京師公歸我出何草草捧檄應受通人嗤陳郎我弟公  
宅相振筆示我瓊琚詞繼聲因藉表仰止陳情述德音  
非支此詩此事足千古他年請視韋丹碑

題陳研左荷香小影

我昔曾騎瘦馬長安遊亦嘗身到太液瓊華洲金鰲玉  
蝮勝絕烟水趣五龍亭子倒影中央浮垂虹宛轉雜植  
萬楊柳扶疎千柄翠葢連雲稠不知蓬壺飛到經幾載  
紅牆銀漢湧現天中樓鳳城鐘動月照九門鑰掩關獨  
臥夢覺成羈愁今年歸來城市忽不樂掉頭興發更鼓  
錢塘舟衆香國裏蓮蒲浩如海芒鞋筇杖十日容勾留  
六橋橫絕三萬六千丈內湖外湖潑眼光如油回溪短  
汊開遍玉色蕊紅衣搖曳好女晨梳頭高枝合翠渺渺  
望不極下有拳足之鷺眠沙鷗缺瓜船小落日唱歌去

滿身風露但覺涼颼颼同游老伴况有趙生在連翩韻  
語鬪險無時休爾時壺中隔斷車馬客徑思於此卜築  
營林邱鞭鞘袴褶轉眼落韁鎖萬人海內漂泊同浮漚  
陳郎好古瀟灑出塵表披圖彷彿膠漆情相投薰風來  
時四面拓窗扇筆牀藥臼掩映珊瑚鈎美人清揚宛在  
水一曲微吟愴對月面開銀甌將於此中得有少佳趣  
科頭箕踞無乃羲皇儔我今思去太倉竊微粟猿啣鶴  
怨應被移文羞故人相招歸去苦未得觸籬進退拙甚  
營巢鳩從君便乞此本人行橐故園風景庶藉銷煩憂

題朱紹庭江樓春曉圖

千門瞳矓啼曙鴉銀牀露重明桃花誰家高樓對芳樹  
瑤鈎珠箔天之涯博山細蕪烟如水乳燕鳴鳩掠波起  
玉蝨欄拖亞字紅畫屏簟蹴波文紫踈地垂楊裊碧絲  
春江花發正逢時公子豪游金腰裏佳人妙舞白銅鞮  
玉蛾貼罷籠長袖獨摻垂條惜芳晝雅步應憐藕覆香  
清歌暗覺金釵溜一逕桃源不可尋游絲百尺漾春心  
木蘭棹轉蘋風急青翰舟移碧漲深長安憶昔狂遊久  
走馬每向章臺口趙女招邀按素箏秦娥作使行春酒

寶玦珊瑚大道邊新詩落紙萬人傳  
金魚池北天壇下占斷春光年復年  
只今落拓歸湖海此生念念浮雲改  
老屋江村病欲蘇鬢絲禪榻心仍在  
忽忽停杯不自聊丹青過眼欲魂消  
可憐翠被春寒夜重夢揚州廿四橋  
爲家觀察兄岷亭壽

吾宗富文獻赤網滙海若雲間與  
膠江一派散千絡風烟百里近戶  
版兩圻錯李榮根蟠會瓜蔓虺綿  
各槎溪我賢伯間世出騰躍神仙  
足官府大雅繼絕作側聞先人交  
密契夙所託情同鄂不聯意矢簪  
盍確後生感風

流古義未淪落代興屬吾兄世競  
識干莫傳天飛鸞驚拔水出蛟鱗  
名方朝籍掛跡近邱園卜千篇手  
親刪十畝閒自築端居謝羣紛善  
飯足行樂神完中有恃玉貌轉矍  
鑠方傾麻姑醞詎假桐君藥曰余  
羈世鞅束帶將入洛儀型敢兄事  
過謁禮必恪陳情譜聲詩善頌義  
不作明當做賓筵庶用侑三爵

爲都運葉東壺先生壽

早緣經術領儒宗得路清名達

九重千騎風生左馮翊六曹班壓  
大司農門前棨戟排

行馬天上觚稜夢曉鐘粗了官身便辭印萼鱸秋興五  
湖濃

練圻一碧俯清泠卜築新開戴笠亭

朝議卽煩騰薦剡州人仍藉識儀型耆英姓氏推前席  
車馬門牆半受經却拜履綦重感慨年來先友劇晨星  
兩年持節鬢毛蒼歸騎仍馱使越裝鹽鐵

國門畱計畫鶯花江館待平章早閒爲卜先生壽投謁  
應稀大父行百里未嫌窺閣晚占星今到潁川鄉

答薛茂才

美人南國秀良辰展嘉晤瑤章託鴻翼蘭盼幸回顧層  
樓何崔巍希光滿行路情悰倘相許金石敢渝固願因  
青玉軫一寄平生慕

題畫

昨夜西風打破窗梅灣春夢落吳艤對圖忽憶茅蓬底  
跂脚孤眠看練江

滿衣紅雪上輕蓬釣得槎頭曉鏡中莫使人呼五湖長  
鬢絲須信未成翁

贈朱三棗山

長身揖客聳雙肩曾記登堂綴蠟年彈指滄桑經廿載  
賸看玉貌勝從前

小築茅齋占一邱東阡知己卜菟裘弄孫抱子堪行樂  
脫屣人間萬戶侯

高論懸河世已驚風流仍藉酒逃名揚州藥玉新鐫就  
好試蓬蓬入腦聲

中年親友似搏沙聚散紛紛閱歲華憐我長安騎馬去  
卜隣何日傍君家

題沈砥亭太守勸農圖

城門擗鼓聲微錯城頭楊柳飄綏蓼牙旗小隊侵曉出  
風靜尾尾行雙驂僧衣紋斷田垆翠鳴卵色破天開藍  
連村雨歇淨塵塏雪鷺亂點青瑤函縛雞已罷趁亥市  
叱犢初起驅丁男長身耒把泥滑滑短髮笠側烟鬢鬢  
水車響斷紡車續采桑門巷春陰盃朱衣傳呼且勿遽  
陌上緩緩方提籃秧歌唱近使君馬蓋影或拂牙兒擔  
掾曹脚靴互唯諾長吏腰笏紛祗叅頭花婀娜釵綴十  
勞酒巡匝杯行三茅檐喜氣動春色惠政到處恩能覃  
勸農使者今郡伯家近東海波洄涵門前手種十頃稻

汜經蔡錄心常諳監州出綰借紫綬述職近戴朝  
天簪一麾出守萬里外得郡遠落天西南播州自古遷  
客地風景略記邊人談濛濛密箐埋苦霧閃閃毒蟲飛  
金蠶映徒赤脚話噍囉老羅黑面形暫醫地靈砂汞遍  
流沃天漏春夏常陰雷自從

王威讐絕徼盡化耕鑿銷戈鏃曠弓無復夜路虎賣劍  
欲佩春畚慘君今五馬建旗隼專城四十才真堪苗人  
亦人土王土一物失所前賢慙清風先去酷吏酷止水  
爲鑒貪泉貪蠻花犴鳥露冕到要使謠俗同和甘雙岐  
兩穗倘有應吾筆尙足留銘鏤

嘉平下浣讀趙璞函同年送弟禮叔南歸之作棖  
觸羈愁茫茫交集援毫率和情見乎詞旣以贈  
別并寄示故鄉諸子

往事依稀劔契船單車同赴國門前悠悠浪別漁樵隊  
負負虛增犬馬年清鏡雪霜真瞥爾寒厨杞菊尙蕭然  
觸籓我自難爲計君去休忘種秫田

羈心暮節感無涯冷雨梢簷夜似麻四壁呻吟愁伏枕  
一官漂泊笑浮家年勞班簿薪初積日涉荒廬券待賒

只道長安有生計思量空愧故園花  
鴻稀鯉斷那無因誰慰天南白髮身淺土淒涼銜紙鳥  
薄田辛苦運租人吏呼未了春秋稅兒長先依俎豆隣  
略與我翁報安穩最關心處淚盈巾  
病中送客意難勝別袂衝霜暗起棧萬事且傾薊門酒  
一年重看廣陵燈眠餐獨夜身宜愛肥瘦他鄉話共徵  
到及東風聽鳴鴈渡江知未泮春冰

送范大申如之官廣東

忘却京華下第身一官遙赴嶺南春到家小住猶旬日

送客連朝有幾人仕路文章難得力少年簿領會相親  
紛紛翠羽明珠地滿酌廉泉莫厭貧  
趨庭曾話峽江艤舊事關心閱歲華家學例成炎海集  
宦情新到木棉花爲求佳婦時須早竟作麤官計不差  
猶有音書須數寄春明門外未天涯

題施秋水紅葉西村夢影

化人閱世忘春秋大千起滅同浮漚山河湧現一彈指  
變化不測匪人謀我身非身想非想不藉物象窮雕鏤  
豈知四大無住着飄然一葉凌虛浮須彌飛塵大海水



夢耶覺耶誰其優先生夜臥蹋齋壁汗漫忽作逍遙遊  
流觀須臾遍山海有似乘躋凌三洲蒼然一徑墮林壑  
泉石到眼堪勾留千紅萬紫看不足此境一失難重收  
醒來對景坐惆悵殘鐘殷床月滿樓吾聞至人攝梵炁  
精氣爲柁神爲舟神仙官府等遊戲揮斥八極隘九州  
斯遊偶爾亦奇絕景色點綴江村幽人間此境恐非幻  
延眺儘豁雙吟眸霓旌絳節事恍惚寄意豈必皆莊周  
圖成風物落吾手却指歸路雲烟稠哦詩不用訊占夢  
破窗寒雨風修修

題慧公上人照

人間喧寂兩無窮雷轉溪鳴山更空會得西來祖師意  
清涼巖畔聽松風

展單坐處白雲多不遣枯藤點綠莎三業淨來餘一事  
要將詩筆問伽陀

作使烟雲入指遲溪山自染墨淋漓小三昧向何人乞  
說法身應現畫師

城南古寺花如海偶掛雲山舊衲衣爭似圖中好泉石  
布帆歸去息塵機

近寓城南  
憫忠寺

題趙甌北同年耘菘圖卽送出守鎮安

君家舊住三間廨一角墻田繞溪外年年手種周家菘  
欲把香菘敵薑芥綠毛茸茸乍勤作培土東西運畚蕘  
疎芽簇稜帶雨栽密葉分極和露曬生憎細草芟易出  
苦耐游蝸暗相喂雙了小兒解使令不用千斤買良牯  
閒鷗似人識人意等是無心絕機械槐陰箕坐受遠風  
滿腋涼輕癢爬疥齧根頗覺滋味長學圃早厭胸襟隘  
明知羊酪那足道西向長安笑生歎前言戲耳沙上禽  
鬱鬱安能常伍噲承明一從通仕籍便輟鉏犁束冠髻

朝哦藥樹移清陰夕飲金莖挹仙瀼十年館閣迴翔久  
索米甚矣先生憊朝天瘦馬晚獨歸愛對妻孥問鄉話  
畦南新甲抽幾許憶到田園動深喟頗聞七菜亦燕產  
挑罷連車上街賣餐錢月支足賤直持抵江村聊一快  
日高無事搜吟腸奇語時時發光怪將軍何曾負此腹  
不遣酸醞了殘債昨朝黃色上眉際得郡南荒

命新拜虎頭食肉擁傳行看遍江山到蕃界天公非但  
昌子詩寒儉更洗儒生派君今上冢還過家折柳都亭  
告過邁孤城迢迢在天末火耨刀耕雜蠻砦班春露冕

通睢盱植韭分葱煩告戒使君江南種田叟能向燒畚  
課禾稗雖言非種在必鋤長養要當問疴瘵園中魯相  
待折葵戶下龐公休拔薤稔君不可忘此味毋以絲麻  
棄菅蒯他時杞菊賦倘成醉守籃輿定添畫

賦得桂林一枝

得丹字

浙闈主試擬作

仙桂山中樹繁枝本屈蟠秋風生處早月窟折來單地  
許高攀到材尤獨秀難微拈香裊袖斜壓影欹冠葉  
深流翠花濃細染丹足珍希更貴無隱靜能觀尙想孤  
根直真同片羽看願持鷲峰種移植

五雲端

扈

蹕發京師馬上有作

橐筆事行邁倣裝及凌晨征袍綻故線重拂塞上塵習  
慣性所便安驅出城闈離離原樹失稍稍墟烟陳青帘  
壓茅舍土銕招行人喘嗟點錫粥感此節物新長虹枕  
浮梁南北交通津流澌昨解凍波影生微鱗餘寒勒枯  
萸未放長條春忽憶故溪梅封橋正如銀盈盈此衣帶  
一葦嗟何因

坡陀指潞亭馳道直於髮街司宿掃除摩擊斷來轍輕  
蹄踏明鏡過埃眼一瞥土囊忽怒張驚沙起蓬勃蕭蕭  
散青絲風色在馬鬣刮耳萬弩強顛倒吹袴褶匹如鷁  
退飛十步九回折停鞭欲相呼對面際不發迴身就笨  
車沙路沿臬兀重闈密周防跌坐儼丈室閉置新婦如  
莫笑吳兒怯我久化素衣黃塵畏緇涅

木蘭扈從二十首

哨門千嶂似肩排片石凌空鏡面揩天遣奇峰表靈囿  
赤文綠字首磨崖

哨門地名石片子青壁峭立御製詩勒其上

萬馬蕭蕭寂不鳴巡籌傳警月三更軍中號令風雲肅

不用清宵鼓角聲

御營舊例以鼓角警夜上特命罷之

滿山輜重似雲屯路近移營趁曉曦齊候九霄張

御幄一時卓帳繞和門

每日置頓俟設行幄扈從者方得支帳御營安

幔城周戟護金鈴蓮漏丁丁響未停騎馬黃昏望行帳

萬燈如雨亂春星

數聲篳栗五更秋雲際遙看燾影浮催動一千三百騎

鴈行妮隊下山頭

分翼雙旗會看城長圍合處月同盈

御驄安吉騮閑吉飛上千峰赭蓋明

宣問郵書日幾回

丹臺乙夜手親裁黃門一騎衝圍入丞相軍前驛奏來  
雕弧

親設筈如銀獵罷爭傳中的頻又早閣章催進御楯郎  
承

詔喚樞臣

蒼莽平川曉霧開  
伏飛踴躍氣如雷  
寒光一片鎗頭白  
已報前山殺虎回

圍場七十五周遮盡傍山坳與水涯誰似巴顏最蕃殖

毛羊角鹿總連車

巴顏圍場獸所聚處巴顏者漢語富盛之意也

突圍奔鹿未容逃驚雉翻飛出野蒿  
手接爛斑馬頭墮

地爐分肉笑兒曹

凡圍中麇鹿逸出得之者皆獻於公若得雉兔等物則不獻也

廣場什榜繡氍毹鞠脰年年奉

睿娛馬上少年齊結束繞山飛鞚捉生駒

柳陰深處飲明駝宛轉羊腸一線河  
記得上番留竈眼

又移羶帳下平坡

草枯沙淨馬蹄輕認取枯椿渡口橫  
急騁休誇好身手

一橋掌大萬人爭

谷底濛濛散曉嵐羣峰如黛競抽簪雲頭忽打穿林霞

知有前山海喇堪

山之有神靈者謂之海喇堪為人馬所驚每致水雹

地面看來紙面柔淖泥還帶伏泉流後蹄莫踏前蹄穴

陷馬須防塔子頭

當年耕鑿剩溝塍遺跡難尋大小興獨向西風閱人代

亂山孤塔尙層層

西哨門內有地名半截塔相傳元時所建

疊嶂崢嶸望月紆如絲鳥道入雲孤樺皮梁上紅千樹

渲染秋光入畫圖

萬里清光月掛盆十分寒色雪埋轅塞山好作中秋節

故遣飛霏入酒尊

僧機圖嶺湧青蓮別是仇池小有天不及捫多高萬仞

白雲常鎖翠微巔

僧機圖者漢語玲瓏之稱其山洞穴交通最為奇秀捫多亦嶺名險峻尤

甚

木蘭行帳有惠酒蟹者賦此謝之

籠頭分染麴車香夜火爬沙想戴匡堆甲翠還凝玉蟻

擘臍清似薦霜餠中黃寫液堪流盞外骨含膏不藉腸

略爲秋光煩左手醉鄉風味領何妨

篁村集卷四

孫男成沅謹重刊

篁村集卷五

上海陸錫熊耳山撰

古今體詩五十一首

涿州與祝芷塘編修別時編修使蜀

折柳都亭雨乍乾使車衝暑發長安修途已判三秋別  
歧轍重淹一夕歡閣道山川通錦里炎方風俗問珠官  
琉璃河畔今宵月流影天涯各自看

毛萇故里

名儒環堵此遺踪想像絃歌老秃翁訓詁早開孔鄭學

源流先廢魯齊風馬肝畏食時方棄驢券頻書說太訂  
一樣傳經俱寂寞草痕青遍日華宮

河間不得見劉二桐引賦此卻寄

薊門明月滿一夕別愁增復作瀛洲客真同行脚僧川  
涂吾乍去書記爾偏能孤館停杯處相思噫定曾

發富莊驛大風雨作歌

交河縣東日色昏雨脚亂掛劉橋村雷車喚醒睡龍睡  
起撒粗點如翻盆高低濛濛一片白倒路枯楊不論尺  
東衢西街斷行人但見歸鴉塌雙翼崎嶇一里十里長

蹄涔步滑愁顛僵僕夫頰肩赤兩脚却問官今有底忙  
燎衣曛黑投逆旅洗盞高歌勞辛苦路穩泥乾會有時  
人間何地無風雨

自德州至恩縣作

南天又見礮雲生雨意垂垂未放晴誰把行人故相惱  
亂蟬纔了亂蛙鳴

積水陂塘靜不流兩行官柳濕烟稠滿衣狼藉河間雨  
一路衝泥到貝州

桐城驛望東阿諸山



城西惜別好孱顏千里平蕪莽蒼去聲間忽露孤雲青一角眼明喜見穀城山

東阿舊縣雨宿

急雨連山暗宵分道路邊何時乾后土真恐漏高天錦障馬能惜油衣瓦亦穿我行尙東郡太息此迴瀾

東平道中卽目

隄抱如弓曲曲形東平古驛眼重經虹邊雲破者般碧柳外風來大段青腰腹賢王空廢塚風流刺史尙孤亭一痕蠶尾新鬟好畫出烟波小洞庭

次汶上作

薄酒不成醉蕭條夕館虛疎星偶撥霧新月已盈除田

熟爭喧蛤湖平大上魚阿蒙吳下去消息近何如同年彭四

紹升向留令兄汶邑官舍近聞其還吳中侍養故云

兗郡寄家人並懷後園草木四首

掩閣遙憐雪簟清夜涼深院坐流螢那知風雨崕陽郭聽盡瀟瀟滴枕聲

庭前新種芭蕉樹雨過抽莖幾許長試拓小書篷一望定延濃綠上西墻

編枳初藩老圃家  
豆苗藤蔓日周遮  
五更風露無人管  
閑却牽牛一架花

十年樹木計成迂  
爲賞疎陰洗碧梧  
明日銀床應落葉

夜窗催動剪刀無

時十七日立秋

庚辰上春官偕同年王丈延之宿中山店題詩逆

旅壁間今重過其地而王丈下世已五年矣愴

然續題卽用前韻

十載看題壁恒河感昔塵  
偶爲乘驛使原是賃驢人  
歲月陶輪疾風霜宰樹新  
重尋耆舊傳存歿一沾巾

韓庄閘口望微山湖

眉痕淡掃夕陽邊  
獨倚危橋望楚天  
引起江湖十年夢  
亂帆如葉水如烟

徐州渡河

開船打鼓日初曛  
千里中原極目分  
山勢尙圍西楚國  
河聲常走武甌軍  
重城烟樹浮晴刹  
戰地沙蟲沒亂雲  
稍覺吳歌近鄉國  
客心迢遰不堪聞

彭城詠懷古蹟三首

千古雌雄閱項劉  
荒臺落日迴含愁  
寄奴自有天人表

亞父空爲監子謀幕府關中亦豪傑參軍江左太風流  
南岡賭跳須臾事回首陰陵貉一邱

北中郎將此停鑣建業籬籬列戍遙河上一時曾守鑰  
淮西再擲浪成驍布沙愛子身先叛築堰降人骨已銷  
太息壽陽來白馬畫江真號小南朝

黃樓樓下夕流黃城角平臨僕射場九日壺觴共王倅  
一篇騷雅妙秦郎山人野鶴招難待父老花枝裊更傷  
曾見兩翁清似鵠逍遙堂後木千章

門人孫孝廉岳灝送我於河堤詩以示之

客中相見意淒淒踈地垂楊送馬蹄盡汝沙頭一杯酒  
河流無際夕陽西

去年別我上吳船意外浮漚一餉緣且聽秋風喫河鯉  
此身何處不超然

傷徐超亭教授

昨接彭門札封題偏臘前猶慚遲作答誰道已纏綿舊  
屋三間冷歸舟八口懸窮官頭不白淒斷廣文璫

臨淮廢縣

清波來照鬢絲痕百尺垂虹影半吞淮泗東趨尊百瀆

荆塗中斷轟雙門蛟龍不撼巫支鎖烏鵲猶朝禹會村  
欲訪老氏帶箭地八公山外夕陽昏

濠梁雜詩三首

牧豎曾燒將相墳辟邪天祿總斜曛楊王遺碣人爭誦  
只愛金華絕妙文

鳴鷄村巷問居人烟火東西少比隣枉徙豪民實關內  
劫灰回首怨黃巾

蒹花荻葉晚蕭騷漁父乘流集小舸也比惠施來偶坐  
遙天出網看銀刀

定遠靖國公祠

走遠故有靖南侯黃公祠王交簡  
曾爲賦五字詩按侯以板子磯之

捷福王進封爲靖國公今  
於乙酉五月大書靖國公黃得功死之具爵示  
褒千秋論定因爲改題  
靖國公祠而系之以詩

景陽宮井已荒基破廟猶傳颯爽姿原識鹿亡難援手  
可憐豹死但留皮蜀岡鼓竭同時殉荻港舟沉異代悲  
華袞祇今瞻

特筆好題靖國勒新碑

合肥龔端毅公故宅

祖帳都門願竟違故山松桂儼林扉身前出處煩青史

海內聲名感布衣杜老詩篇終古在醉翁賓客到今稀  
蛾眉寂寞俱黃土空愛叢蘭墨瀋飛

北峽關見錢香樹司寇山行題壁詩卽次其韻同

玉亭農部作

遙峰初日成邢尹喜雙靚垂雲擘東西濺瀑界左右茸  
茸頂乍鬣蔌蔌面深皺清光出頽沐昨雨今還復連岡  
奔鹿挺互嶺外蛇鬪何年起眠龍勢欲挾飛鷲蒼松蒼  
盈谷根抱石骨瘦密如孔分毫一一中理腴伯時真吏  
隱卜築熙豐後璇源失舊館空指雙隻堠此邦富纓冕

盛事胡不又誰當割烟霞規作小臺圍門停千山陰樹  
拱百年壽待我躡藤鞵凌風採三秀

翌日發桐城復倒押前韻邀玉亭農部和

傾城無毛施東家競妍秀商山白鬚眉邴較彭聃壽持  
論索目睫近取識已囿龍眠一邱壑夸語我敢又平生  
託山緣匹馬閱亭堠舉霞赤城頂踏雪興安後烟雲比  
癥結垣隔洞膚腠君家祝融峰翼抗朱鳥瘦胸中芥雲  
夢袖底出靈鷲齊秦大非耦寧共莒邾鬪云何戀茲景  
側首屢回復東華十年土壓斷雙眉皺割腴偶解饒終

在羔羶石淺深見當泯涉脚隨所覲

潛山道中愛其風景清絕漫成一律

詰曲山行愛軟輿連村竹色稱幽居風披碧稻不藏鷺  
雨破白蘋時跳魚一水爭橋寒碓急數峰當戶晚帘疎  
他年若乞祠官去瀆岳安茅讀道書

小池驛書壁二首

卸馱纔看日下春暝雲如墨壓頭濃雷聲却傍西南去  
雨在瀆山第幾峰

破驛無慘被酒眠繩床紙帳乍涼天萬山月黑荒蟲急

喚起秋聲又一年

自潛山至太湖山行雜書所見四首

大宮小爲霍連綿不知里蒼然水石精松栝孕清美駢  
枝旣交繆密幹亦相倚籠岡復被谷離立競尺咫風來  
四山動高下絲蘿靡如收天水碧染入鴉青紙一片活  
光明攬之不容指童山半河北色與死灰似蒙頭謝鉛  
粉祖背失衣履奈此面目何取憎固其理南來飽巖綠  
蘿葱盡可喜峩冠雋不疑氣折暴公子苟無櫛具劔孰  
表男兒偉

連岡斷如玦，複嶂來抱之一曲。復一重，尻雕互撐持中。  
渟呀成窪十畝，涵清漪。嫣然白芙蓉，韶顏發春姿。抽莖  
或瑣細，偃葉交離披。可憐委叢莽，盡日無人窺。亭亭裊  
東風，獨立欲待誰。何當乘曉月，來看新粧時。

山田繡層畦，澗澗水注谷。村童挽雙角，涉水晨放犢。時  
聞五經師，叩誦聲出屋。紅粧點明鏡，浣女下空淥。人家  
在清暉，日對小橫幅。住山非知山，意趣自不俗。何須訪  
真隱，傭販亦冰玉。

千山收暝烟，曳作匹練橫。風吹不肯散，要待升長庚。寥  
寥三家村，畏虎關柴荆。但見深竹底，閃爍燈初明。羣鴉  
暮歸巢，得食還喧爭。鷺鷥獨容與，徐步沿溪清。水清亦  
無魚，飲啄不自營。嗟哉此標致，媿我塵中纓。

將至楓香驛道旁，有古松一株奇矯特甚，爲贈一

絕

攫地盤霄翠，幾重虬身偃。蹇閱春冬，何人爲築松風閣。  
不向天都看臥龍。

黃梅卽事

虛館追涼跡，偶淹如繩急。溜忽排簷焚，枯細蕪松毛。賤

飲濕頻斟蜜汁甜彭蠡鴈回初熟稻武昌魚好會傳嫌  
適朱大千觀察自武昌遣人以書來迓武黃梅大意君知否破額山頭吐缺  
蟾

### 初抵江口

荒倉僑郡地隔水問柴桑楚尾風烟合江心波浪長蕭  
蕭聞伐荻獵獵數回檣出沒千峰外雲頭是建康

### 渡潯陽江

斜風細雨馬當船看盡東南半壁天獨鶴唳開樊口月  
神鴉飛破小孤烟千家樓堞銷兵後六代江山謫宦前

桑落洲頭望湓口寒濤空捲義熙年

### 登琵琶亭作

茫茫九派接空流亭角扶闌信遠眸江上客心悲落日  
天涯詩意入清秋斷雲影坼黃梅岸哀鴈聲沉苦竹洲  
重與騷人寫幽怨夜船吹起笛中愁

### 潯陽夜雨

五老忽頭白逢逢雨乍生散絲穿密幌送響問荒更素  
練深閨夢黃花故國情誰知今夜雨獨臥九江城

### 出九江南門上廬山麓



出郭不數里東林聞曉鐘江流碧安極山色翠還重日  
上香爐頂烟消錦繡峰杖藜彭澤宰乞食定相逢

東林寺用陽明山人壁間石刻詩韻

名藍鬪勝如鬪草接綠粧紅各言好東林却比大士鬚  
坐閱繁華不枯老松風洗盡歷劫哀溪聲山色皆如來  
遠師多事管晴雨影堂供養千幡開山農迎遠公祈雨  
有驗競製幡懸室  
中丞詩碣留峴首橫槩臨江憶醜酒朝端白黑紛蒼  
蠅誰似山中石難朽我亦安心謁祖庭啞羊勞汝候前  
汀問來除目何須荅且看匡山萬疊青

三笑堂

開門見南山松花墮涼雪言尋虎溪路一逕趨透折深  
堂寂無人緩帶滌煩熱幽襟契蓮社吾愛陶靖節意行  
無町畦曠致縛禪悅當年三客踪草長綦音絕丹青尙  
遺姿巾服儼孤潔描摹亦駢拇色障非大徹法師具天  
眼萬象不生滅虛空本無橋那事强分別一笑撒手廻  
妙諦不可說請聽橋下水猶似廣長舌

西林寺

散策西林去堂頭午鉢殘翠禽還拂座白牯偶衝壇塢

影停圓繖田區界破欄不須參慧永一口吸江乾

南唐後主祠

在圓通寺

零落叢花剩麝囊更無人與酌椒漿已攜睡地朝真主  
終仗齋緣配法王鍾阜隱居仍浩劫皖公山色又斜陽  
靈祠却聽潺潺雨重省江南夢一場

望天池不得登有作

烟中現幡影了了數門闔緣崖望忽迷闖見兩峰合稍  
逢越澗樵蟻徑碧蘿罨天池在其巔繡磴少人踏迢遙  
三十里直上怖飛鴿清音留水石終古自砰磕平生抱

微尙頗戒靈運雜遙思碧眼僧冥坐正磨衲逝將修淨  
土受具穿木榻棲棲尙簪纓內訟心自荅何處白雲來  
蒼茫失孤塔

廬山謠九江道中作

我聞廬山高高橫絕攬青冥南斗墮地流星精瑤光破  
碎不復上天去化作九疊春江屏重跼復萼互包裹四  
面轉側無常形晴天雲霧不解駮深護窟穴藏真靈其  
間佛剎開幽扃棟宇彷彿齊梁營平田如郢敞深谷把  
茅亦有耕夫耕瓜牛之廬一區耳乃令千巖萬壑皆得

蒙其名洞天福地莽寥廓翠壁丹梯望如削黃昏日月  
會高頂白晝雷霆走懸瀑書生只解鑽故紙誰似飛猱  
插雙脚不知遊人足跡多少不到處山草山花自開落  
徐凝惡詩洗難盡周續遺文世誰作中主書臺付礪磔  
顛仙御碣空侈剝可憐此山千載飽廢興只有太白東  
坡尙如昨我來浩蕩乘白雲南遊興發尋匡君夢中手  
執綠菡萏半天鸞鶴徑接扶搖羣昨宵問渡潯陽口人  
事蹉跎一回首旣無門生扶持舁籃輿又無候吏逢迎  
送樽酒腰間黃綬足下靴翻笑形骸太粗醜此時潯陽

太守臥掩關合眼不看城頭山螟蛉蠃兩何物那識  
窈窕青螺鬟江州已無醉司馬清泉白石抑鬱爲摧顏  
玉淵潭水挽秋雨遣洗塵俗山寧慳吁嗟乎遠公社中  
舊相識會約歸來未頭白放歌因續廬山謠記我他年  
不生客

篁村集卷五

孫男成沆謹重刊

篁村集卷六

上海陸錫熊耳山撰

古今體詩五十六首

題德安縣清泉亭

崖根石液瀉雲肝  
縷轉銅瓶百尺闌  
動髮半規聊鑒影  
澆腸一掬亦愁寒  
未曾內熱空勞飲  
不混常流便耐看  
何限人間方齒冷  
甃邊莫更起微瀾

安義山中紫薇花最盛  
田家以編籬落爛漫彌目

戲題一絕

紅紅白白儘天斜屋角蒸開萬朶霞我是中書老郎舍  
一茶來看紫薇花

奉新夜宿題徐氏樓壁 七月初三日

叢桂吹涼葉蘭池暑氣澄南州下懸榻西閣就明燈纖  
月初三夜高樓最上層無眠愁擁被已覺怯吳綾

抵高安

百里筠州道崎嶇為雨長橋危騎劍脊坂曲繞羊腸邨  
色昏牛市江聲動女牆東軒無長老投宿定何方 蘇子由謫

筠州築東軒人稱為東軒長老

誰家

脆管嬌絲傍夕催誰家燈火下樓臺不妨樽酒陪陶穀  
豈分囊鞬送李回益野二星原戲耳東方千騎亦豪哉  
十年未厭承明直投筆翻思乞郡來

贈臨江李滙川太守

我來江上聽歌聲飯豆連村買犢耕綠樹罨城秋色迴  
紅箋圍座長官清艱難借寇三年意牽挽留髡一宿情  
原是梅花廳裏客還朝合作水雲卿

臨江吸川亭舊傳王荆公生處感題二絕

抱送當年事不輕元豐相業有公評生兒誰遣知行劫  
垂老重蒙大畜名

洛蜀波流到靖康初心那復料穉郎便須翻却圍城案  
不問舒王問肅王

### 新淦江上二首

屈摺緣江路閒鷗喜漸親亂檣森似竹斷塔矮如人指  
動思紅鬣心清愛白蘋何時把歸舵烟水下通津

三十三峰好雲生何處谿

新淦玉笥山有三十三峰

重泉遙掛樹急

漲忽侵蹊帽側槐花糝衣沾豆葉泥無情水楊柳猶放

鵝鳴啼

周公瑾墓下作

在新淦

無復周郎顧樵歌上隴行小喬還配食諸葛奈同生水  
繞巴邱戍山連白下城如聞孫討逆吳郡亦荒瑩

### 峽江七夕

睥睨窺江黑連峰峽口陰蟾痕秋約鬢蒼思晚生襟樹  
捲明河影樓傷獨客心京華五千里何處聽寒砧

過吉水丞張君官舍題贈二首

張同里人

廿載憐微宦栖栖戀斗升鬢緣衰後鑷壺向食前蒸兒

女能諳客江山不負丞故鄉者舊盡訊問一沾膺  
侵晨開北戶邀我上虛廳幔借柝欄綠牆攔筆竹青放  
衙呼鴨伴判案問魚經吏隱堪投老無爲歎滯冥

吉安喚渡二首

七尺烏篷翦急流青原山翠上眉頭長風研出銀光紙  
白鳥蒼烟望吉州  
墨渚螺川水抹坤筆床茶竈要重溫預愁十月歸舟晚  
減却紅蕪兩岸痕

廬陵文信公祠

宋家已失獨松關丞相遺祠傍故闔朱鳥何時聞慟哭  
黃冠有客望生還榜頭小錄人爭弄獄底遺書史不刪  
我向南溟雪餘涕浪花捲屋弔厓山

吉州雜題四首

景龍司戶扇遺風丞相平園蔓草中惟有祖山青石版  
瓣香斜日拜涪翁

排岸司前十字文南唐鐵蘚繡寒雲凌波渡口帆千葉  
不是銀標水上軍

溶溶香水黦臙脂象曲闌干玉女池羅鞵不來裙草綠

螺山新月想蛾眉

四大飄然剩隻鞵月光水觀鏡同指當時絕倒東坡老

踏破禪關米市街

苦熱十六韻

七月十一日 泰和道中作

昨歲偏槍嶺三更夜打包

去年扈

以是日出古北口 蹕秋獮

今朝撫

口道百里午鳴鞘大地風輪寂炎官火織交穉商萌乍

坼耄暑氣安撓衆壑昏埋腹干林靜擁梢喘牛疲歷坂

息鳥倦依巢澗渴愁猿掛泉寒憶虎跑可憐蟲化倮頗

訝室炊庖沁齒冰思嚼撐胸飯怕抄黔來知炙面漬處

看流骸方麩揮應厭單衾睡欲拋就陰難擇木借冷試

拳菱未羨清涼散終慚襪襪嘲溪山違白苧瘴癘逼黃

茅快閣雲中幔澄江水上匏空期碧筒飲萬柄雨聲敲

贛江至泰和名澄江 黃山谷快閣在其上

御巷

在泰和宋隆祐太 后避金兵過此

鳳輦何時到宵烽此暫休飄零散紅帔跋扈起黃頭福

薄言終驗時屯涕不收金花潭上水嗚咽尙爭流

萬安縣

縣牆圍薜荔陰色上眉初山翠衝檐落江濤射枕虛梟



藏林月黑螢定竹風疎不見桐鄉葬中宵拭袂餘姊壻  
應蘭嘗宰是邑  
卒官已數年矣

一滴菴小座

澁徑衣苔繡短幢禪房初呀起鳴屨鈎鞋路占三分石  
澹鼎茶翻一滴江屈竹編援含密眼睡槐剝瘦剩空腔  
烟中定有推篷客見我懸崖坐小窗

發烏兜驛行三十里天始明

睡起林烏報晨征怯遠郵嵐蒸衣濕雨蟲抱葉鳴秋出  
谷呼明縕尋泉識暗流東南數峰曙披豁望虔州

贛州道中二首

嶺北萬重雲炎方氣候分弄簫吟木客擊鼓賽魑君素  
柰秋樊繞紅蘭午箭薰穀婆聲更苦斷續雨中聞章水  
石人出水名曰魑君土人皆  
祀之穀公穀婆贛地鳥名

犖确崎嶇路荒野埃殘烟生分水嶺風急對魚灘攬  
鏡新霜改登天遠道難萬山孤柝外敲枕夢長安

同年衛松崖明府惠儲茶一器賦贈

儲峰好鷗髻潭水碧羅染佳人比佳茗翠濕行雲滄大  
園擅風格名豈壑源掩年年踏春歌採摘競凌險玉纖

焙銀芽爲製竹爐，舁頭船入餅綱包貢遠。無忝令君謫  
仙人行春，擷苔一囊試歸煎。方經自緡檢真清，如官  
聲不受世塵玷。伊余住人海鄉，夢繞台剡。雨前江帆開  
凝望，歲空奄南征。又徂暑燥吻畏西崦，腸中踏蔬羊雷  
動，恧寒儉。每思渴羗豪持謝，熱客砭逢君。啟高齋招我  
剝冰爇，臨行苦被肘欲去。意翻賺都籃，幸分致箸。畏鞞  
紋閃重緘未開封，鼻觀香已漸。酒醒飯正軟，對此豁雙  
眨。月瓢初翻，泉風鼎欲生，燄何須屑。霏鹽徑學柯山點。  
見曾幾詩幾自注  
云俗所謂衢點也

### 登八境臺

雉影分涵鏡，裏屏天風攜我瞰。疎櫺日銜鴉背，千山赤  
城匝。鰲身萬瓦青，乘蹻獨來干氣象。排閭誰與叫英靈，  
梅花遠信秋難寄。極目南荒涕泗零。  
城角交流章貢水，簷頭平對鬱姑臺。蒼涼萬里身初到，  
突兀三層眼忽開。雪捲灘聲驅石走，雲扶堦影截江來。  
戰場指點傷遺劫，漠漠秋原塌井苔。

### 下金雞嶺渡芙蓉江抵南康縣城作

初曦薄秋葢露草，猶泣隰行衝石頭。滑書擔壓藤笈盤

盤陟崇阿力怯步屢澁崩橋俯旋復縛板亦粗葺清暉  
信多娛頗禁馬蹄急浮圖望稍長十里行未及芙蓉渺  
江水活汞不可汲芳華緬空洲奈此青滕濕稍生隔岸  
烟城小覆圓笠孤亭問前渡下有數艇集沙頭誰相要  
一鷺作人揖

過大庾嶺

峻嶺誰教問斧柯却分涼熱界山河磴攀井孔千盤上  
關劃星痕一綫過驛使路長梅信晚炎州天遠瘴雲多  
滔滔不盡樓船水只送南流奈爾何

曲江舟次東廣州趙松雲太守

五載音塵萬里塗此行喜得故人俱預愁促席辭難盡  
已覺扁舟夢不孤閉置最嫌新婦似逢迎還當惡賓無  
裁詩急喚滇江鯉先報風流趙大夫

定圃中丞監臨試事闈中次法陶菴先生壁間石

刻詩韻見示依次奉呈

桃李陰成滿日傍又從嶺海挈文綱登龍近接三台座  
立鶴齊瞻萬仞堂玉律頒條霜並肅銀毫染翰桂同香  
却慙獎借多逾分過眼空迷古戰場

奉和定圃中丞中秋卽事用陶菴先生元韻

良宵清漏滴痕移棘院森沉點筆時寒士歡顏秋月霽  
明窗佳句燭花知蜂房影蠹東西舍魚鑰風清內外司  
咫尺扶胥接奇景聽潮虛擬和蘇詩

八月十六日試院夜集賦呈分校諸君二首

鎖院秋風澹鬢痕角聲如水動黃昏三年慣別西清月  
前年典試浙中去歲扈從木蘭今復奉使  
來粵不得于京邸度中秋者已三載矣  
十日新開北海樽鎖院來已十日因隔舍歌呼容脫略分曹甲乙互  
評論相看暗數心期在莫忘麻衣踏省門

紛紛束筍漸成堆眼底丹鉛次第催偶借煎茶徵雅會  
好憑浮白賞英才斗邊龍劍衝星躍海上鰲山跋浪開  
休待更闌翦銀燭案頭應有夜珠來

填榜口號

中丞押字鎖當頭看領霓裳月殿遊嚴鼓報更千戶徹  
繁星臨榜五花浮數峰湘浦神來助片玉崑山美並收  
採罷芙蓉獨惆悵有誰零落尙悲秋

鹿鳴宴畢疊次前韻賦呈定圃中丞二首

斗南佳氣映弧傍珠海親逢鐵作綱此日驂騮初得路

何人絲竹許升堂源知飲水韓蘇貴貢比充庭橘柚香  
願共諸生奉明教敢緣喫著試三場

明光憶聽履聲移萬里星槎奉謁時讀榜士多門下出  
各省典試多先生門下士登臺春向座中知日南草木威先動海內  
文章命有司歸去都人問君實清風爲誦兩篇詩

翁覃溪學使招登鎮海樓遊六榕光孝二寺用諸

城相國師舊作韻賦詩見示奉次二首

遠隨飛蓋陟危欄俯視蒼茫欲辨難蜃氣湧城千樹黑  
罡風吹瓦一樓寒檐垂雲葉啣金鐸礮臥苔衣繡鐵丸

極望炎荒感蓬跡去年踏雪遍烏桓去歲是月方扈從木蘭故云

乘槎喜得訪君平導我來尋舍衛城門榜磔金迎面見

六榕寺額猶東坡手書壇枝攢翠壓眉橫菩提樹一株在光孝梁時智藥三藏自天竺攜

來所塔尋無縫何勞鑄二鐵塔皆南漢時所鑄旛動非風了不驚

風旛堂爲六擬共穎師論指法琴牀空倚夕陽明圓通上人

善琴時訪之不值

### 海珠寺

睥睨中流踏浪空驚波直打海門東沉鰲戴石千層出  
翔鷁交帆四面通蜃女緩歌愁暮景蠻僧停唄起秋風

更攀烽火天南樹想像燒雲二月紅

翁覃溪學使從侯官林上舍見其祖吉人舍人所

藏漢甘泉宮瓦因倣製爲硯并拓其文裝成行  
看子屬題其後爲賦長句一篇

阿房脈斷咸陽賈軹道來迎亞金主誰營宮闕文終侯  
缸壁中天覆雲雨未央複道通甘泉湧現蓬萊化人宇  
銀溝珠甃互層疊工二搏埴刮摩五吉文篆出龍鸞形  
兩已瓜邪中句矩長生爲祈世曼壽常奉千齡閱今古  
織兒撞破好家居一炬堪憐化焦土孤雲墮地理秋蓬

風陶雨鞞南山空侯官舍人昔好事亂疆手掇驚神工  
中央迴讀周四角叩之非石還非銅漢宮烟月磨不盡  
却入林家硯匣中八方翠墨競摸致銀鈎粉本光玲瓏  
朱多王好兩老翁題縑句炙抄膳同重綈什襲祕歲鑰  
子孫永寶貽無窮覃溪先生抱奇嗜一見摩挲不能置  
嶧山焚後多俗姿漢畫秦波此深契臥觀三日指俱化  
急琢雲肝訝神似頭銜別領萬石君銘背并識甘泉字  
烏絲闌界百碑磔骨力森張破餘地先生媿雅苞三蒼  
古意挽筆千鈞強羲娥撫拾笑潘薛蟲鳥掛漏卑歐陽

紛紛洪趙那比數手抉金薤羅琳瑯七年使節駐炎海  
搜岩剔谷無餘藏遺文摹勒陷深壁釵痕蠹尾圍長廊  
西齋晝靜聞響拓梧風撼紙霏清香卽看此硯文精良  
墨情石德交光芒延津龍劍倏雙躍世眼分別誰低昂  
何須更索林生本便是人間真乘黃

拱北樓遠眺作

直北星辰望

帝京雙門突兀倚秋晴纛帆駕海浮層塔鴈翅排雲護  
夾城珠舶百夷開互市銀戈十國弔紛爭扶桑晞髮真

奇絕徑踏鼉鼉背上行

趙廣州雲松招同簡農部曹瓊州舒韶州泛舟珠

江集海幢寺卽席賦贈二首

偶隨鷗鳥共忘機瓜艇乘潮拍浪飛篙眼點門江漲濶  
城根擘岸市聲稀布單禮塔仍三匝穿幔看榕盡十圍  
千指撞鐘迎太守雲山顛倒壞緇衣

佛桑零雨濕偏提藥盞茶鐺次第齋密葉翠蕙荷檻冷  
亂峰青闖笏牆低天涯酒社憐萍會物外香廬愛蟄棲  
不枉芒鞋踏南海貝多樹底一留題

珠江竹枝詞四首

艣慢篙輕不怕風  
鴉頭嬌小粉光融  
阿奴愛住檳榔艇  
染就唇邊別樣紅

賽罷金花娘子祠  
寒篷燈閃露華滋  
海心磨出團圓鏡  
來照三更卸髻時

珠江江水接波羅  
江上玲瓏一串歌  
欲把相思問紅豆  
蚌珠爭較淚珠多

湘裙不見覆雙鈎  
素藕凌波步步秋  
斜插玉簪花一簇  
盤鴉低擁學蘇州

雨中舟次中宿峽夜入飛來寺題山暉堂壁示雪

菴上人二首

苔侵峽寺鎖岩隈  
睡黑攀泥着屐來  
大樹霧屯秋樾暗  
連江雨洗暮匳開  
拖帆濕欲沉山翠  
迸澗喧爭裂地雷  
倚徙虛堂轉蕭瑟  
阮俞吹竹夜生哀

南禺雲接北禺雲  
細指盤陀夕徑分  
橋跨流香晴亦滑  
亭含飛雪夏常聞  
歸禽翅斂藤蘿色  
擊板聲穿虎豹羣  
重與阿師燒燭坐  
雨絲灑榜正紛紛

韶州九成臺晚眺



盤阿鳥道怯登臨清檻疎簾接暮陰  
衣袂乍寒五嶺色江山長感九秋心  
沉犀影落雙梁直韶州城外新置浮橋二所巢鶴

枝高亂葉侵莫向瀧頭問瀧吏  
笛聲猶怨武溪深臺前臨武

溪水即古樂昌瀧臺上有宋蔣之奇武溪行石刻

南雄郡樓別張蒙川太守

落葉輕催度嶺裝感君牽挽復登堂  
歸心緩泥三杯酒別鬢寒禁十月霜  
風雨隔年魚信遠關河幾驛鴈程長  
城頭一線中原路卻望京華似故鄉

滕王閣

南浦初停萬里艤扶桡獨上感年華  
江湖雨急寒征鴈城郭烟虛動落鴉  
絕域人歸留眼界閒愁天遣付詩家  
畫闌欲別頻延佇容易飛騰白日斜

篁村集卷六

孫男成沅謹重刊



